

0.0.1 dutiya sammattaniyāmasuttaṃ

0. sāvattthinidānaṃ

1. pañcahi bhikkhave, dhammehi samannāgato su-
ṇannopi saddhammaṃ abhabbo niyāmaṃ okkamituṃ
kusalesu dhammesu sammattaṃ. katamehi pañcahi:

2. kathaṃ paribhoti. kathikaṃ paribhoti. attānaṃ
paribhoti. duppañño hoti jaḷo eḷamugo. anaññāte añ-
ñātamānī hoti.

3. imehi kho bhikkhave pañcahi dhammehi samannā-
gato suṇantopi saddhammaṃ abhabbo niyāmaṃ ok-
kamituṃ kusalesu dhammesu sammattaṃ.

4. pañcahi bhikkhave, dhammehi samannāgato su-
ṇanno saddhammaṃ bhabbo niyāmaṃ okkamituṃ ku-
salesu dhammesu sammattaṃ. katamehi pañcahi:

5. na kathaṃ paribhoti. na kathikaṃ paribhoti. na
attānaṃ paribhoti. paññavā hoti ajaḷo aneḷamūgo na
anaññāte aññātamānī hoti.

6. imehi kho bhikkhave, pañcahi dhammehi saman-
nāgato suṇanto saddhammaṃ bhabbo niyāmaṃ okka-
mituṃ kusalesu dhammesu sammattanti.